

**Надпомнуце:** Прекладане того предписаня, оможлівела Републична виберанкова комисија зоз цильом же би шицким котри заинтересовани олегчала участвованє на виберанкох за национални совити националних меншинох. Тот преклад не мож спатрац як урядови правни акт и у случаю даякого нескладаня меродавни єдино текст предписаня на сербским язику.

На основи члена 62. пасус 1. точка 4) и члена 66. пасус 3. Закона о националних совитох националних меншинох („Службени гласник РС“, ч. 72/09, 20/14 – одлука УС, 55/14 и 47/18),

Републична виберанкова комисија, на схадзки хтора отримана 21. августа 2018. року, принесла

## **П Р А В И Л А**

### **О РОБОТИ ВИБЕРАЦКИХ ОДБОРОХ ЗА ЗАПРОВАДЗОВАНЄ НЕПОШТРЕДНИХ ВИБЕРАНКОХ ЗА ЧЛЕНОХ НАЦИОНАЛНИХ СОВИТОХ НАЦИОНАЛНИХ МЕНШИНОХ**

#### **І. УВОДНИ ОДРЕДБИ**

##### **Член 1.**

З тима правилами ше бліжей ушорює роботу виберацких одборох хтори формовани у складзе з Упутством за запровадзованє непоштредних виберанкох за членох националних совитох националних меншинох („Службени гласник РС“, число 57/18 – пречисцени текст), на запровадзованю гласаня и утвердзованю резултатох гласаня на непоштредних виберанкох за членох националних совитох националних меншинох (у дальшим тексту: виберанки).

##### **Член 2.**

(1) Виберацки одбор непоштредно запровадзує гласанє на виберацким месце, обезпечує правилносц и тайносц гласаня, утвердзтує резултати гласаня на виберацким месце и окончує други роботи у складзе зоз законом, Упутством за запровадзованє непоштредних виберанкох за членох националних совитох националних меншинох из тима правилами.

(2) Виберацки одбор одлучує з векшину гласох вкупного числа чланенох.

(3) Робота виберацкогo одбору явна.

(4) Док виберацке место отворене и док тирва гласанє, шицки члени виберацкогo одбора або їх заменіки муша буц на виберацким месце.

(5) Шицки члени и заменіки членох виберацкогo одбору длужни на виберацким месце цали час и на видним месце ношиц идентификаційни карточки хтори им обезпечує Републична виберанкова комисија.

(6) Членом виберацкогo одбору хтори одредзени руковац зоз спрејом з невидліву тинту, а гласаю на другим виберацким месце, оможлівює ше же би на їх виберацким месце гласали з рішеньом о менованю за члена виберацкогo одбору.

## **II. ПРИМАНЄ ВИБЕРАНКОВОГО МАТЕРИЯЛУ**

### **Член 3.**

(1) Роботни цела Републичней виберанковой комисії (у дальшим тексту: Роботне цело) и општински/городски органи управи длужни виберанкови материял за запровадзованє гласаня на виберацким месце придац виберацким одбором найпознейше 48 годзини пред дньом отримованя виберанкох.

(2) Список виберанкового материялу хтори ше придава каждому виберацкому одбору за запровадзованє виберанкох находзи ше у записніку о примопридаваню виберанкового материялу пред гласаньом медзи Роботним целом и виберацким одбором чий формулар предписує Републична виберанкова комисия.

### **Член 4.**

(1) Окрем материялу хтори наведзени у записніку о примопридаваню виберанкового материялу пред гласаньом медзи Роботним целом и виберацким одбором, виберацкому одбору ше при примопридаваню виберанкового материялу пред гласаньом доручує и контролни формулар за логично-рахункове складанє резултатох гласаня на виберацким месце, чий формулар у прилогу и состойна є часц тих правилох.

(2) Општински/городски орган управи обезпечує за кажди виберацки одбор тельо формулари контрольного формулару за кельо ше национални совити гласа на каждим виберацким месце.

## **III. ПРИРИХТОВАНЄ ЗА ПОЧАТОК ГЛАСАНЯ**

### **Член 5.**

(1) На дзень виберанкох, виберацки одбор ше зиходзи на 6,00 годзин на виберацким месце, же би ше окончело пририхтованя за початок гласаня.

(2) Члени виберацкого одбору пририхтую початок гласаня по шлїдуюцим шоре: отвараю мех з виберанковим материялом хтори запечацовани зоз сигурносним заверачом, утврдзую чи прияти материял за гласанє исправни и подполни, ушорую виберацке место и догваряю ше о способе роботи и подзеленю задлуженьох при запровадзованю гласаня.

(3) Сигурносне завераче хторе зняте з меха з виберанковим материялом, виберацки одбор обовязно придава Роботному целу при примопридаваню виберанкового материялу после гласаня.

#### **а) Утвердзованє подполносци и исправносци виберанкового материялу**

### **Член 6.**

(1) Прияти виберанкови материял виберацки одбор поровнує зоз станом зоз записніку о примопридаваню виберанкового материялу пред гласаньом медзи Роботним целом и виберацким одбором и так утврдзує чи прияти материял подполни и исправни.

(2) Кед дацо з виберанкового материялу хиби, виберацки одбор тото констатує у Записніку о роботи виберацкого одбору на запровадзованю гласаня

и утвердзованю резултатох гласаня на виберанкох за членох национального совиту одредзеной национальной меншини (у дльшим тексту: записник о работи виберацкогo одбору) и о тим такой обвисцуе Роботне цело.

(3) Кед виберацкому одбору не уручене достаточне число гласацких лїсткох, вон отвера виберацке место зоз гласацкими лїстками хтори ма, а остаток му будзе доручени под час гласаня.

## **б) Ушорйованє виберацкогo места**

### **Член 7.**

(1) Члени виберацкогo одбору ушорюю виберацке место так же обачливо викладаю число и назву виберацкогo места, вивод з Ришєня о одредзованю виберацких местох и Народну заставу Републики Сербїї, як и собирни виберанково лїстини кандидатох за членох каждого национального совиту хтори ше вибера на виберацким месце.

(2) Виберацки одбор, потим, ушорює просторию за гласанє так же би од уходу по гласацку шкатулу, места за окончованє виберанкових роботох були поставени по шлїдуюцим шоре:

- 1) место на хторим член виберацкогo одбору рукує зоз УЛ лампу;
- 2) место на хторим ше утвердзує идентитет виберача;
- 3) место на хторим ше находза виводи з окремих виберацких спискох за гласанє на виберацким месце (у дальшим тексту: визвод з виберацкогo списку) за кажди национални совет хтори ше вибера на виберацким месце и окреми виводи з виберацкогo списку за гласанє виберацох на одслужєню воєного року, воєней вежби або на школованю у єдинкох або установох Войска Сербїї;
- 4) место на хторим ше уручує гласацки лїсток;
- 5) место на хторим член виберацкогo одбору рукує зоз спреєм за означованє пальца виберача;
- 6) паравани за гласанє, хтори муша буц так поставени же би обезпечели тайносц гласаня;
- 7) гласацка шкатула.

### **Член 8.**

(1) Виберацки одбор проверює чи на виберацким месце и на 50 метери од виберацкогo места виложени символи предкладацох виберанкових лїстинох и други виберанкови пропагандни материял.

(2) Кед на виберацким месце и на 50 метери од виберацкогo места виложени виберанкови пропагандни материял, виберацки одбор го сам одстанює або, кед го не може сам одстранїц, о потреби же би ше материял одстранєло обвисцує Роботне цело, хторе ше з вимаганьом за одстраньованє явя компетентней општинсей/городскей комуналней служби.

## **в) Догварка о подзелєню работи**

### **Член 9.**

Члени виберацкогo одбору ше догваряю о подзелєню работи, при чим найважнєйше утвердзиц хтори члени, односно заменїки членох, буду задлужени за запровадзованє шлїдуюцих роботох:

- 1) руковане з УЛ лампу;
- 2) утврджоване идентитету виберацох;
- 3) руковане з виводами зоз виберацкогo списку за кажди национални совет хтори ше вибера на виберацким месце и окремих виводах з виберацкогo списку за гласане виберацох на одслуженю военогo року, военей вежби або на школованю у єдинкох або установох Войска Сербії;
- 4) чуванe и уручоване гласацких лісткох;
- 5) руковане зоз спрејом за означоване виберацох;
- 6) поучоване виберацох о тим як ше гласа.

#### **Член 10.**

(1) Пред отвераньом виберацкогo места, предидатель виберацкогo одбору до Записніку о роботі виберацкогo одбору уноши мена присутних членох и заменікох членох виберацкогo одбору.

(2) Окрем уписованя присутних членох и заменікох членох виберацкогo одбору, до Записніку о роботі виберацкогo одбору, предидатель виберацкогo одбору длужен мена присутних членох и заменікох членох виберацкогo одбору уписац до евиденції о присутносци на виберацким месце, хтору подписую присутни члени и заменіки членох виберацких одборох.

(3) Евиденция зоз пасуса 2. того члена служи як основа за виплацоване надолпненьох за роботу у виберацким одборе.

### **IV. ОТВЕРАНЕ ВИБЕРАЦКОГО МЕСТА**

#### **Член 11.**

(1) Понеже окончи пририхтованя за запровадзоване гласаня, виберацки одбор утврджує же гласане може почац, и тото констатує у Записніку о роботі виберацкогo одбору.

(2) Виберацке место ше отвєра на 7,00 годзин на дзєнь отримованя виберанкох.

#### **Превєрйоване исправносци гласцкей шкатули**

#### **Член 12.**

(1) На виберацким месце ше находзи єдна гласацка шкатула, хтору ше хаснує за гласане на виберанкох за членох шицких национальних советох хтори ше вибера на виберацким месце.

(2) Исправносц гласацкей шкатули ше превєрьює у присуствє першого вибєрача хтори придзе на вибєрацке место, а резултат превєрйованя ше уписує до контрольного лістку за превєрйоване исправносци гласацкей шкатули (у дальшим тексту: Контролни лісток).

(3) Поступок превєрйованя ше окончує по шлїдующим шорє:

1) кед на вибєрацке место приступи перши вибєрач хтори нє член вибєрацкогo одбору, вибєрацки одбор превєри з УЛ лампу, утвржди його идентитет и утвржди чи є уписани до даєдного з виводах зоз вибєрацкогo списку;

2) у присустве того виберача виберацки одбор перевірює чи гласацка шкатула исправна и празна;

3) пополнює ше Контролни лісток, до хторого ше уписує до хторого виводу з виберацкогo списку и под хторим шорним числом виберач уписани, после чого Контролни лісток подписую шицки члени, односно заменіки членов виберацкогo одбору и виберач хтори перши пришол на виберацке место;

4) у присустве першого виберача, Контролни лісток ше уруцує до гласацкей шкатули, хтору ше потим завера и печачує з нітку ручильніцу и воском за печачованє;

5) шицки окончени роботи виберацки одбор констатує у **шицких записнікох** о роботи виберацкогo одбору за кажди национални совит хтори ше вибера на виберацким месце.

### **Чен 13.**

Преврйованє исправносци гласацкей шкатули не мож окончовац у присустве виберача за хторого, после преврйованя з УЛ лампу, утверджене же гласал на другим виберацким месце, хтори не ма важацу явну исправу за утвердзованє идентитету, або хтори не уписани ані до єдного виводу з виберацкогo списку.

## **V. ГЛАСАНЄ НА ВИБЕРАЦКИМ МЕСЦЕ**

### **Член 14.**

Кед виберач придзе на виберацке место, виберацки одбор длужен поднят шлїдуюци роботи: пререврйованє чи виберач гласал на другим виберацким месце, утвердзованє идентитету виберача, преврйованє чи виберач уписани до даякогo з виводох з виберацкогo списку, уручованє гласацкогo лістку, означованє виберача зоз спрејом и поучованє виберача о способе гласаня.

#### **а) Преврйованє чи виберач гласал на другим виберацким месце**

### **Член 15.**

(1) Кед войдзе на виберацке место, виберач приходзи гу членови виберацкогo одбору з УЛ лампу, хтори перевірює чи указуюци палец правой руки виберача уж означени з невидліву тинту.

(2) За случай же виберач не ма указуюци палец правой руки, перевірює ше чи з невидліву тинту означени други пальци правой руки, а кед виберач не ма праву руку, перевірює ше чи з невидліву тинту означени пальци лівей руки.

(3) Кед ше после преврйованя з УЛ лампу утвердзи же виберач гласал на другим виберацким месце, вон не може гласац и длужен є без одкладаня напущиц виберацке место.

#### **б) Утвердзованє идентитету виберача**

### **Член 16.**

(1) Понеже ше утвердзи же виберач не гласал, вон приходзи гу шлїдуюцому членови виберацкогo одбору, сообщує му свойо мено и презвиско,

придава му обвисценє о дню и чаше отримованя виберанкох, кед го ма, и доказує свой идентитет.

(2) Виберач може приступиц гу гласаню и без обвисценя о дню и чаше отримованя виберанкох и виберацки одбор го не може условиц з указованьом того обвисценя, але муши приступиц гу пренаходзеню виберача у виводу з виберацкогo списку спрам доступних податкох о вибєрачови з його документу зоз хторим доказує идентитет.

(3) Виберач не може гласац кед не вжал зоз собу доказ о своїм идентитету.

(4) Свой идентитет вибєрач доказує з важацу особну легитимацию або з важацу справу за путованє (пасошом).

(5) Вибєрацки одбор ма оможливиц гласанє вибєрачови хтори свой идентитет доказує з особну легитимацию хторей вишол час важеня, под условийом же приложи потвєрдзенє Министерства нукашних дїлох о поднєшеним вимаганю за видаванє новей особней легитимации.

(6) У случаю же на вибєрацке место придзе вибєрач хтори ма важацки документ зоз пасуса 4. того члена у хторим наведзєне друге презвико у одношеню на презвико яке наведзєне у виводу з вибєрацкогo списку, вибєрацки одбор ма тому вибєрачови оможливиц гласанє, без огляду на тоту обставину, под условийом же на основи слики вибєрача и єдинствєного матичного числа гражданох у документу зоз хторим доказує свой идентитет мож утвєрдиц же у питаню особа хтора уписана до виводу з вибєрацкогo списку.

(7) Вибєрач хтори уписани до окремого виводу з вибєрацкогo списку за гласанє вибєрачох на одслужєню воєного року, воєней вєжби або на школованю у єдинкох або установох Войска Сєрбиї, свой идентитет може доказац и з воєну кнїжочку у хторей єст слика вибєрача и його єдинствєне матичнє число гражданох.

(8) Вибєрач хтори гласа на вибєрацким месцє у заводзе за вивєршенє заводских санкцийох, свой идентитет може доказац и з одвитууюцу справу хтору му издава Управа за вивєршенє виновних санкцийох.

#### **в) Утвєрдованє чи вибєрач уписани до виводу з вибєрацкогo списку и уручованє гласацкогo листку**

#### **Член 17.**

(1) Кед ше утвєрди його идентитет, вибєрач сообщує хторей националней меншини припада и приступа гу членови вибєрацкогo одбору хтори задлужени за рукованє з виводом з вибєрацкогo списку за тоту националну меншину, односно гу членови вибєрацкогo одбору хтори рукує з одвитууюцим окременим виводом з вибєрацкогo списку за гласанє вибєрачох на одслужєню воєного року, воєней вєжби або на школованю у єдинкох або установох Войска Сєрбиї, хтори прєнаходзи вибєрача у виводу з вибєрацкогo списку и заокружує шорнє число опрез мєна вибєрача, после чого ше вибєрач подписує на одвитууюцим месцє у виводу з вибєрацкогo списку. Понєже ше вибєрач подпише, член вибєрацкогo одбору му уручує гласацки листок.

(2) Вибєрач хтори писмени и хтори може свойоручно написац свойо мєно и презвико, подписує ше так же свойоручно виписує свойо подпис на одвитууюцим месцє у виводу з вибєрацкогo списку.

(3) Виберач хтори пре тілесну або сензорну онеспособеносц (виберач з інвалідитетом) не може своєюучно написац свойо мено и презвіско у виводу з виберацкогo списку, подписує ше так же на одвитующе место у виводу з виберацкогo списку оцишне печач на хторим єст податки о його особним ідентитету, односно печач з угравированим подписом.

(4) Виберач хтори не писмени, односно виберач з інвалідитетом хтори не ма печач з податками о його власним ідентитету, односно печач з угравированим подписом, не подписує ше у виводу з виберацкогo списку, але тото место нього роби його помагач хторого приводзи зоз собу на виберацке место пре пополньованє гласацкогo лістку.

(5) Одредби пасуса 2. по 4. того члена ше сходно применює и у случаю гласаня виберача звонка виберацкогo места.

#### **Член 18.**

(1) Виберацки одбор не шме окончовац ніяки дописованя або іншаки пременки у виводох з виберацкогo списку.

(2) Виберацки одбор не шме дошлебодзиц гласанє особи хтора не уписана ані до єдного виводу з виберацкогo списку.

(3) Виберацки одбор не шме дописац до виводу з виберацкогo списку особу хтора не уписана до виводу, без огляду на тото же особа твердзи же гласа на тим виберацким месце, або же ю члени виберацкогo одбору особне познаю.

#### **Член 19.**

(1) Виберач може гласц лем раз.

(2) Ані єдна особа не може достац вецей як єден гласацки лісток, ані не дошлебодзене же би єдна особа гласала место другей особи. Гласанє з помоцу помагача зоз члена 24. тих правилох ше не трима як гласанє место другей особи.

### **г) Хаснованє спрею**

#### **Член 20.**

(1) Аж кед ше му уручи гласацки лісток, виберач приступа гу членови виберацкогo одбору хтори му зоз спеціалним спреюм означує указуюци палец правей руки под кореньом нохца як знак же гласал.

(2) Виберачови хтори не ма указуюци палец правей руки, будзе означени шлідуюци доступни палец на право и конечно вельки палец тей руки, под кореньом нохца.

(3) Виберачови хтори не ма праву гарсц, будзе означени указуюци палец на лівей руки, односно шлідуюци доступни палец на ліво и конечно вельки палец тей руки, под кореньом нохца.

(4) Кед не мож так означиц пальци виберача, означованє ше не окончує.

#### **д) Пополнюванє гласацкогo лїсткy**

##### **Член 21.**

(1) Виберач пополнює гласацки лїсток за параваном за гласанє, понеже го член виберацкогo одбору поучи о способе гласаня.

(2) Член виберацкогo одбору окреме опомнє виберача:

1) же може гласац лєм за єдну виберанкову лїстину, зоз заокружованьом шорного числа опрез назви тей виберанковой лїстини;

2) же гласанє тайне и же ше окончує за параваном за гласанє;

3) же гласанє шлебодне и же ніхто не ма право зоперац або примушовац виберача на гласанє, поволовац го на одвичательносц прето же гласал або не гласал або гледац од виберача же би ше вияшнел прецо и за кого гласал.

(3) Понеже пополні гласацки лїсток, виберач сам посклада гласацки лїсток так же би не було видно як гласал и кладзе гласацки лїсток до гласацкей шкатули, а потим напущує виберацке место.

##### **Член 22.**

(1) Виберацки одбор ше длужен старац о обезпечованю тайносци гласаня.

(2) Виберацки одбор длужен организовац гласанє так же би ніхто не могол видзиц як виберач пополнює гласацки лїсток.

(3) У просторї дзе ше гласа могу буц присутни лєм тельо вибераче кельо єст места на хторих обезпечена тайносц гласаня.

#### **VI. ОКРЕМНИ ПРАВИЛА ЗА ГЛАСАНЄ ОСОБОХ З ИНВАЛИДИТЕТОМ, НЕПИСМЕНИХ И ОНЄМОЖЛЇВЕНИХ ОСОБОХ**

##### **Член 23.**

(1) Виберацки одбор длужен особи хтора ше руша з помоцу пса водзача и ма одвитууюцу исправу за рушанє з помоцу пса водзача, оможлївиц шлебодни приступ гу обекту у хторим виберацке место и гу самому виберацкому месту, як обекту хтори ше явно хаснує, як то предписанє зоз Законом о рушаню з помоцу пса водзача.

(2) Як одвитууюцу исправу за рушанє з помоцу пса водзача ше трима:

1) доказ о здобутих знаньох, способносцох и схопносцох за рушанє зоз псом водзачом - за особу хтора ше руша з помоцу пса водзача;

2) доказ о законченим обучованю - за пса водзача.

##### **а) Особа хтора не може пополніц гласацки лїсток**

##### **Член 24.**

(1) Виберач хтори не може сам пополніц гласацки лїсток (цємна особа, особа з иншакима формами инвалидитету або неписмена особа) ма право на виберацке место привесц помагача хтори место ней пополні гласацки лїсток так як ей виберач одредзи.

(2) До Записніку о роботі виберацкогo одбору ше уписує:

- вкупне число виберачох одредзеной националней меншини хтори гласали з помоцу помагача,
- кельо з того числа гласали цемни особи, кельо особи з иншакима формами инвалидитету и кельо неписмени особи,
- под хторима шорнима числами тоти вибераче уписани до виводу з виберацкогo списку.

### **б) Особа хтора не може присц на виберацке место**

#### **Член 25.**

(1) Виберач хтори не може гласац на виберацким месце (немоцна або онеможлівена особа) обвисцуе виберацки одбор найпознейше до 11,00 годзин на дзень гласаня, же жада гласац и хторей националней меншини припада.

(2) Гласане виберача звонка виберацкогo места мож окончиц лем на подручу хторе облапя виберацке место.

(3) Як немоцни и онеможлівени особи ше трима особи хтори пре здравствени причини не у можлівосци присц на виберацке место, особи з инвалидитетом и немоцни стари особи.

(4) Як немоцни и онеможлівени особи ше не трима особи хтори пре природу роботи яку окончую не могу у чаше док виберацке место отворене окончиц гласане на виберацким месце.

(5) Понеже утвeрдзи же немоцна або онеможлівена особа у смислу пасуса 3. того члена уписана до виводу з виберацкогo списку и же ше находзи на подручу хторе облапя виберацке место, председатель виберацкогo одбору задлужуе трох членох або заменіка члена виберацкогo одбору (повереніки виберацкогo одбору) же би запровадзели гласане звонка виберацкогo места.

(6) Повереніки виберацкогo одбору одходза до виберача, утвeрдзую його идентитет и окончую проверйоване з УЛ лампу.

(7) Потим повереніки виберацкогo одбору придаваю виберачови службену коверту у хторей ше находза: гласацки лісток, собирна виберанкова лістина кандидатох за членох националного совиту националней меншини хторей виберач припада, потвeрдзене о виберанковим праве за гласане звонка виберацкогo места и коверта до хторей будзе положени пополнети гласацки лісток.

(8) После того, повереніки виберацкогo одбору зоз специальным спрејом означую палец виберача, на способ як утвeрдзене у члену 20. тих правилох.

(9) Понеже упознаю виберача зоз способом гласаня, повереніки виберацкогo одбору напушчу просторию у хторей виберач гласа.

#### **Член 26.**

(1) Кед виберач не може пополніц гласацки лісток (цемна особа, особа з иншакима формами инвалидитету або неписмена особа), вон може гласац з помоцу помагача хторого сам одредзи, на исти способ на яки тоту помоц хасную цемни особи, особи з иншакима формами инвалидитету або неписмени особи хтори гласаю на виберацким месце.

(2) Понеже гласа, виберач подписує потвердженє о своїм виберанковим праве за гласанє звонка виберацкого места.

(3) Виберач, потим, кладзе пополнети и зогнути гласацки лісток до коверти хтору поверенїки виберацкого одбору пред нїм печаютю з печатом на печатовим воску.

(4) Так запечатовану коверту виберач кладзе ведно з подписаним потвердженєм о своїм виберанковим праве до службеной коверти хтору после того поверенїки пред нїм запечатую зоз сухим печатом на печатовим воску.

(5) Пред печатованєм службеной коверти з потвердженєм о виберанковим праве и коверти зоз гласацким лістком, поверенїки виберацкого одбору обовязно муша превериц чи виберач подписал потвердженє о виберанковим праве.

### **Член 27.**

(1) Накадзи ше враца на виберацке место, поверенїки виберацкого одбору придаваю службену коверту председателюви виберацкого одбору, хтори отвера службену коверту у хторей ше находзи потвердженє о виберанковим праве и, кед потвердженє подписане, заокружує шорне число под хторим виберач уписани до виводу з виберацкого списку.

(2) Потим председатель виберацкого одбору отвера запечатовану коверту у хторей гласацки лісток и, потим, тот гласацки лісток уруцує до гласацкей шкатули.

(3) Кед потвердженє о виберанковим праве не подписане, трима ше же виберач не гласал, цо ше наводзи у записнїку о роботы виберацкого одбору за вибор членох националноого совиту националней меншини хторей виберач припада, як подїю хтора значна за гласанє.

(4) У случаю зоз пасуса 3. того члена, запечатовану коверту зоз гласацким лістком ше не отвера, але ше ю так запечатовану после гласаня придава Роботному целу у коверти з непохаснованима гласацкими лістками.

(5) Виберацки одбор уноши до записнїку о роботы виберацкого одбору одредзеной националней меншини:

- вкупне число виберачох тей националней меншини хтори гласали звонка виберацкого места;

- кельо з того числа гласали особи цо не могли присц на виберацке место пре здравствени причини, кельо особи з инвалидитетом и кельо немоцни стари особи,

- под хторима шорними числами тоти вибераче уписани до виводу з виберацкого списку.

(6) При примопридаваню виберанкового материялу после гласаня, виберацки одбор, коло иншого виберанкового материялу, Роботному целу придава подписани потвердзєня о виберанковим праве виберачох хтори гласали звонка виберацкого места, розкласовани за каждую националну меншину у окремих ковертах.

## **VII. ОТРИМОВАНЄ ПОРЯДКУ НА ВИБЕРАЦКИМ МЕСЦЕ**

### **Член 28.**

(1) Виберацки одбор длужен отримовац порядок на виберацким месце.

(2) Кед на виберацким месце придзе до нешору, виберацки одбор може претаргнуц гласане док ше порядок не запровадзи. Причини за претарговане гласаня и тирване претаргнуца гласаня ше уноши до записніку о работи виберацкого одбору.

(3) Кед претаргнуце гласаня тирвало длужей як єдну годзину, гласане ше предлужує за тельо часу кельо тирвало претаргнуце.

### **Член 29.**

(1) Забранене затримоване на виберацким месце шицких особох хтори не маю права и длужносци у вязи зоз запровадзованьом виберанкох.

(2) На виберацким месце забранене хасновац мобилни телефони и други средства вязох и комуникацийох, як и фото-апаратох и камерох.

(3) На виберацким месце забранене, звонка службеной евиденції у виводох з виберацкого списку, правиц списки виберацох хтори вишли на гласане (з уписованьом мена або шорного числа з виводу зоз виберацкого списку виберацох хтори вишли, або не вишли на гласане).

(4) Винїмково, дошлебодзене же би члени виберацкого одбору хтори задлужени руковац з выводами зоз виберацкого списку, з уписованьом смужкох на окременим паперу, водзели евиденцию о виходносци виберацох и податки о виходносци сообщовац шицким членом виберацкого одбору.

(5) Потупене забранох зоз пасуса 1, 2. и 3. того члена трима ше за правене нешору на виберацким месце.

### **Член 30.**

(1) Припадніки полиції на длужносци можу войсц на виберацке место лем кед на виберацким месце пришло до потупйованя порядку и мира, на поволанку председателя виберацкого одбору або Роботного цела.

(2) Винїмково од пасуса 1. того члена, полицаї у униформи може войсц на виберацке место на хторим є уписани до виводу з виберацкого списку же би гласал, под условийом же не ноши оружје и други средства примушеня.

### **Член 31.**

Представителе медийох можу буц присутни на виберацким месце лем пре пририхтоване звитох о цеку гласаня на виберацким месце.

## **VIII. ПОЛОЖЕНЄ ПРЕДСТАВИТЕЛЬОХ ПРЕДКЛАДАЧОХ ВИБЕРАНКОВИХ ЛІСТИНОХ И ПРИПАТРАЧОХ**

### **Член 32.**

Особом хтори ше находза на списках овласцених представительох предкладачох виберанкових лістинох, односно на списках домашніх або странских припатрачох и їх прекладательох, хтори доручела виберацкому одбору Републична виберанкова комисија преїг Роботного цела, и хтори маю

акредитації хтори им видала Републична виберанкова комісія, виберацки одбор длужен оможлівиц незавадзане надпатране шицких фазох роботи виберацкогo одбору, починаючи од пририхтованя за отверанє виберацкогo места, по законченє роботи на утвердзованю резултатох гласаня.

### **Член 33.**

(1) Виберацки одбор длужен до записніку о работи виберацкогo одбору унесц податки о присутних представительох предкладачох виберанкових лістинох и припатрачох, водзаци при тим рахунку же би ше податки о представительох предкладачох виберанкових лістинох, кед ше на виберацким месце гласа за вибор членох вецей националних совитох, уношело до записніку о работи виберацкогo одбору лєм за одвитууюцу националну меншину, док ше податки о припатрачох уноши до записнікох о работи виберацкогo одбору за каждую националну меншину.

(2) Виберацки одбор може з виберацкогo места оддаліц представителя предкладача виберанковой лістини або припатрача кед ше не притримує правилох о отримованю порядку на виберацким месце, кед на виберацким месце хаснує мобилни телефон або други средства вязох и комуникаційох, а окреме кед завадза работи виберацкогo одбору.

(3) Виберацки одбор длужен о оддаленю представителя предкладача виберанковой лістини або припатрача и причинох за оддаленє такой обвисциц Републичну виберанкову комісію, преїг Роботного цела.

## **ІХ. ЗАВЕРАНЄ ВИБЕРАЦКОГО МЕСТА**

### **Член 34.**

(1) Виберацке место ше завера на 20,00 годзин.

(2) Виберачом хтори ше застали на виберацким месце при завераню виберацкогo места, оможлівює ше гласац.

(3) Як виберача хтори ше застал на виберацким месце трима ше виберача хтори ше на 20,00 годзин находзи на виберацким месце або непоштредно опрез нього.

(4) Виберачох хтори ше застаню на виберацким месце виберацки одбор обвисцує же можу гласац.

(5) Председатель виберацкогo одбору длужен одредзиц члена або заменїка члена виберацкогo одбору хтори утвердзи число виберачох хтори ше застали на виберацким месце, утвердзиц шор по хторим вони гласаю, стануц после остатнього застатогo виберача же би означел конєц шора и причекац же би гласали шицки вибераче хтори ше застали на виберацким месце.

## **Х. УТВЕРДЗОВАНЄ РЕЗУЛТАТОХ ГЛАСАНЯ**

### **Член 35.**

(1) По завераню виберацкогo места, виберацки одбор утвердзує резултати гласаня на виберацким месце.

(2) Кед ше утвердзує резултати гласаня, муша буц присутни шицки члени виберацкогo одбору або їх заменїки.

(3) При утвердзованю резултатох гласаня, виберацки одбор перше пополнює контролни формулар за проверйованє логично-рахунковой исправносци резултатох гласаня на виберацким месце (у дальши тексту: контролни формулар).

(4) После пополньованя контрольного формулару, окончує ше логично-рахункову контролу утвердзених резултатох гласаня, же би ше их, аж кед ше утвердзи же резултати логично-рахунково исправни, уписало до Записніку о работи виберацкого одбору на утвердзованю резултатох гласаня на виберацким месце.

#### а) Поступок пополньованя контрольного формулару

##### Член 36.

Поступок пополньованя контрольного формулару ше запровадзує спрам шлїдующей процедури:

1) перше ше на основи числа виберачох хтори уписани до виводу з виберацкого списку, списку познейших пременкох у виберацким списку, кед є доручени з виводом зоз виберацкого списку, и до окремого виводу з виберацкого списку за гласанє виберачох хтори ше находза на одслуженю военого року, на военей вежби або на школованю у єдинкох або установох Войска Сербії, кед гласаю на тим виберацким месце, утвердзує **вкупне число уписаних виберачох на виберацким месце**, хторе ше уписує до рубрики 13.1. контрольного формулару;

2) потим ше чита виберачох хтори заокружени у виводу з виберацкого списку, списку познейших пременкох у виберацким списку и окремым виводу з виберацкого списку и так ше утвердзує **число виберачох хтори гласали**, хторе ше уписує до рубрики 13.2. контрольного формулару;

3) потим ше до рубрики 13.3. контрольного формулару уписує **число приятих гласацких лісткох**;

4) потим ше пречита **непохасновани гласацки лістки** и того число ше уписує до рубрики 13.4. контрольного формулару;

5) после того ше **отвера гласацку шкатулу и проверює чи ше у нїй находзи Контролни лісток**;

6) потим ше пречита гласацки лістки у гласацкей шкатули и так ше утвердзує **число похаснованих гласацких лісткох** хторе ше уписує до рубрики 13.5. контрольного формулару;

7) гласацки лістки ше, потим, **розкласує на важаци и неважаци**;

8) **пречита ше перше неважаци гласацки лістки** и того число ше уписує до рубрики 13.6. контрольного формулару;

9) потим ше **пречита шицки важаци гласацки лістки** и того число ше уписує до рубрики 13.7. контрольного формулару;

10) после того ше **важаци гласацки лістки розкласує по виберанкових лістинох**, утвердзує ше число гласох хторе дате каждой виберанковой лістини и кажде з тих числох ше уписує до одвитующего поля у таблічки у рамикох рубрики 13.8. контрольного формулару.

### **Член 37.**

(1) Виберацки одбор муши обрациц увагу же би Контролни лісток случайно не бул учишлени медзи гласацки лістки.

(2) У случаю же даєден виберацки одбор заліпне єден гласацки лісток на гласацку шкатулу, тот гласацки лісток, после гласаня треба же би учишлел медзи непохасновани гласацки лістки.

(3) У случаю зоз члена 27. пасус 3. тих правилох, кед виберач хтори гласал звонка виберацкого места не подписал потвердзене о виберанковим праве за гласане звонка виберацкого места, виберацки одбор треба же би гласацки лісток того виберача, хтори ше находзи у запечацовой коверти и так предава Роботному целу, учишлел медзи непохасновани гласацки лістки.

### **б) Розликоване важацого и неважацого гласацкого лістку**

### **Член 38.**

(1) Неважаци гласацки лісток то непополнети гласацки лісток, як и гласацки лісток хтори пополнети так же не мож зоз сигурносцу утвердиц за хтору виберанкову лістину виберач гласал, наприклад:

1) гласацки лісток на хторим виберач заокружел або подцагнул вещей як єдно шорне число опрез назвох виберанкових лістинох;

2) гласацки лісток на хторим виберач заокружел або подцагнул назву вещей як єдней виберанковой лістини;

3) гласацки лісток на хторим виберач заокружел або подцагнул мено вещей як єдного ношителя виберанковой лістини.

(2) Важаци гласацки лісток тот на хторим заокружене єдно шорне число опрез назви виберанковой лістини, як и гласацки лісток хтори пополнети так же зоз сигурносцу мож заключиц за кого виберач гласал, наприклад:

1) кед на гласацким лістку виберач заокружел або подцагнул мено и презвиско першого кандидата на виберанковой лістини;

2) кед на гласацким лістку виберач заокружел або подцагнул назву або часц назви єдней виберанковой лістини;

3) кед на гласацким лістку виберач источашне заокружел або подцагнул шорне число и назву виберанковой лістини и мено и презвиско першого кандидата на тей виберанковой лістини;

4) кед на гласацким лістку виберач заокружел або подцагнул мено єдного ношителя виберанковой лістини;

5) кед на гласацким лістку виберач источашне заокружел або подцагнул мено и презвиско першого кандидата на виберанковой лістини и мено ношителя тей виберанковой лістини.

(3) Кед гласацки лісток пополнети так же мож зоз сигурносцу утвердиц за хтору виберанкову лістину виберач гласал, вон будзе важаци гоч:

- на гласацким лістку виписани або нарисовани коментари, пароли и други порученя;

- други виберанково лістини прецагнути.

## **ХІ. ЛОГІЧНО-РАХУНКОВА КОНТРОЛА УТВЕРДЗЕНИХ РЕЗУЛТАТОХ ГЛАСАННЯ**

### **Член 39.**

(1) Кед пополні контролни формулар и утвердзи резултати гласаня на виберацким месце на способ зоз члена 36. тих правилох, виберацки одбор длужен окончиц логично-рахункову контролу утвердзених резултатох хтори уписал до контрольного формулару.

(2) Логично-рахункова контрола зоз пасуса 1. того члена облапя: рахункове складанє податкох о виберацох, рахункове складанє податкох о виберацох и гласацких лісткох и рахункове складанє податкох о гласацких лісткох и гласох.

#### **а) Рахункове складанє податкох о виберацох**

### **Член 40.**

(1) Вкупне число виберацох одредзеной националней меншини хтори гласали (рубрика 13.2. контрольного формулару) еднаке числу виберацох хтори заокружени у виводу з виберацкого списку, у списку познейших пременкох у виберацким списку, кед є доручени з виводом зоз виберацкого списку и евентуалним окремним виводу з виберацкого списку.

(2) Вкупне число виберацох одредзеной националней меншини хтори гласали (рубрика 13.2. контрольного формулару) може буц лем еднаке або менше од числа виберацох хтори уписани у виводу з виберацкого списку тей националней меншини, у списку познейших пременкох у виберацким списку и евентуалним окремним виводу з виберацкого списку (рубрика 13.1. контрольного формулару).

#### **б) Рахункове складанє податкох о виберацох и гласацких лісткох**

### **Член 41.**

(1) Число похаснованих гласацких лісткох за вибор членох национального совиту одредзеной националней меншини (число гласацких лісткох хтори ше находза у гласацкей шкатули - рубрика 13.5. контрольного формулару) може буц лем еднаке або менше од числа виберацох тей националней меншини хтори гласали (рубрика 13.2. контрольного формулару).

(2) Число приятих гласацких лісткох за вибор членох национального совиту одредзеной националней меншини (рубрика 13.3. контрольного формулару) треба же би було еднаке суми: числа непохаснованих гласацких лісткох за вибор членох национального совиту одредзеной националней меншини (рубрика 13.4. контрольного формулару) и числа виберацох тей националней меншини хтори гласали (рубрика 13.2. контрольного формулару).

#### **в) Рахункове складанє податкох о гласцких лісткох и гласох**

### **Член 42.**

(1) Число похаснованих гласацких лісткох за вибор членох национального совиту одредзеной националней меншини (число гласацких лісткох хтори ше находза у гласацкей шкатули - рубрика 13.5. контрольного формулару) треба же би було еднаке суми: числа неважацих гласацких лісткох

(рубрика 13.6. контрольного формуляру) и числа важащих гласацких лісткох за вибор членох национального совиту одредзеной националней меншини (рубрика 13.7. контрольного формуляру).

(2) Число важащих гласацких лісткох за вибор членох национального саовиту одредзеной националней меншини (рубрика 13.7. контрольного формуляру) треба же би було еднаке суми числох гласох хторе достали шицки виберанково лістини за вибор членох национального совиту одредзеной националней меншини (табличка у рубрики 13.8. контрольного формуляру).

## **ХІІ. ПОПОЛНЬОВАНЄ ЗАПИСНІКУ О РОБОТИ ВИБЕРАЦКОГО ОДБОРУ**

### **Член 43.**

(1) Понеже констатує же по оконченой логично-рахунковой контроли у складзе з одредбами чл. 40. по 42. тих правилох, резултати гласаня логично-рахунково исправни, виберацки одбор приступа гу пополньованю Записніку о работи виберацкого одбору, так же перше ма перевіриц чи пополнел перши штири точки Записніку, после чого до Записніку читко уписує:

1) податки о гласаню виберачох на виберацким месце з помоцу помагачох (рубрика 5. Записніку);

2) податки о гласаню виберачох звонка виберацкого места (рубрика 6. Записніку);

3) чи у гласацкей шкатули нашол Контролни лісток (рубрика 11.3. Записніку);

4) вкупне число уписаних виберачох (з рубрики 13.1. контрольного формуляру до рубрики 13.1. Записніку);

5) число виберачох хтори гласали (з рубрики 13.2. контрольного формуляру до рубрики 13.2. Записніку);

6) число приятих гласацких лісткох (з рубрики 13.3. контрольного формуляру до рубрики 13.3. Записніку);

7) число непохаснованих гласацких лісткох (з рубрики 13.4. контрольного формуляру до рубрики 13.4. Записніку);

8) число похаснованих гласацких лісткох (з рубрики 13.5. контрольного формуляру до рубрики 13.5. Записніку);

9) число неважащих гласацких лісткох (з рубрики 13.6. контрольного формуляру до рубрики 13.6. Записніку);

10) число важащих гласацких лісткох (з рубрики 13.7. контрольного формуляру до рубрики 13.7. Записніку);

11) число гласох хтори дати за каждую виберанкову лістину (з таблички у рамикох рубрики 13.8. контрольного формуляру до одвитующего поля у таблички у рамикох рубрики 13.8. Записніку).

### **Член 44.**

(1) Понеже закончи з уписованьом резултатох гласаня до Записніку о работи виберацкого одбору, виберацки одбор:

1) контролни лісток кладзе до окремноей коверти хтору запечацує и на хторей виписує же у ней контролни лісток;

2) непохасновани гласацки лістки кладзе до окремой коверти хтору запечацує и на хторей виписує назву націоналней меншини и же у ней непохасновани гласацки лістки;

3) неважаци гласацки лістки кладзе до окремой коверти хтору запечацує и на хторей виписує назву націоналней меншини и же у ней неважаци гласацки лістки;

4) шицки важаци гласацки лістки кладзе до окремой коверти хтору запечацує и на хторей виписує назву націоналней меншини и же у ней важаци гласацки лістки;

5) потвердзєня о виберанковим праве за гласанє звонка виберацкогo места кладзе до окремой коверти хтору запечацує и на хторей виписує назву націоналней меншини и же у ней потвердзєня о виберанковим праве за гласанє звонка виберацкогo места.

(2) На шицких ковертох зоз пасуса 1. того члена **обовязно** треба же би була наведзєна назва општини/городу и число виберацкогo места.

#### **Член 45.**

До Записніку о работи виберацкогo одбору ше уноши и зауваги членох и заменїкох членох виберацкогo одбору, як и представительох предкладачох виберанкових лістинох.

#### **Член 46.**

(1) Записнік о работи виберацкогo одбору подписую шицки члени, односно заменїки членох виберацкогo одбору.

(2) Кед Записнік о работи виберацкогo одбору не подпишу шицки члени виберацкогo одбору, тото ше констатує у записніку о работи виберацкогo одбору и коло того ше евентуално наводзи и причини пре хтори записнік не подписали шицки члени виберацкогo одбору, або їх заменїки.

#### **Член 47.**

(1) Записнік о работи виберацкогo одбору ше роби на формуларе хтори предписує Републична виберанкова комисија и друкує ше у шейсцох прикладнікох, зоз хторих ше:

- перши прикладнік **обовязно** доручує Роботному целу;
- други прикладнік виклада на виберацким месце на явни увид;
- штири прикладніки цо остали уручує представитєльом предкладачох виберанкових лістинох хтори освоєли найвекше число гласох на виберацким месце, кед су присутни на виберацким месце.

### **ХІІІ. ОКРЕМНИ ОДРЕДБИ О УТВЕРДЗОВАНІУ РЕЗУЛТАТОХ ГЛАСАНЯ У СЛУЧАЮ ЖЕ ШЕ НА ВИБЕРАЦКИМ МЕСЦЕ ГЛАСА ЗА ВИБОР ЧЛЕНОХ ВЕЦЕЙ НАЦІОНАЛНИХ СОВІТОХ НАЦІОНАЛНИХ МЕНШИНОХ**

#### **Член 48.**

(1) Кед ше на виберацким месце гласа за вибор членох вецей націоналних совітох націоналних меншинох, виберацки одбор поступа так же

процедуру яка описана у чл. 36. по 46. тих правилох примнює за вибор кожного національного совиту окреме, починаючи од націоналней меншини з найвекшим числом уписаних виберачох на виберацким месце, заключно з націоналну меншину хтора ма найменше число уписаних виберачох на виберацким месце.

(2) У случаю зоз пасуса 1. того члена, виберацки одбор, по завераню виберацкого места и законченю гласаня, перше приступа гу утвердзованю резултатох гласаня за вибор національного совиту з найвекшим числом уписаних виберачох на виберацким месце.

(3) Понеже отвори гласацку шкатулу и утвердзи чи ше у ней находзи Контролни лісток, як цо предвидзене у члену 36. точка 5) тих правилох, виберацки одбор ма перше розкласовац шицки гласацки лістки хтори ше находза у гласацкей шкатули по націоналних меншинох, после чого предлужує з процедуру утвердзованя резултатох гласаня за вибор членох національного совиту націоналней меншини з найвекшим числом виберачох на виберацким месце.

(4) Понеже закончи пополньовац Записнік о работи виберацкого одбору на запровадзованю гласаня и утвердзованю резултатох гласаня за вибор членох національного совиту націоналней меншини з найвекшим числом уписаних виберачох на виберацким месце и понеже штири прикладніки того записніку уручи представительом предкладачох виберанкових лістинох, кед су присутни, виберацки одбор повторює процедуру яка описана у чл. 36. по 46. тих правилох пре утвердзованє резултатох гласаня за вибор членох національного совиту націоналней меншини зоз шлїдующим найвекшим числом уписаних виберачох и так шором док ше не утвердзи резултати гласаня на виберанкох за членох шицких націоналних совитох хтори ше вибера на тим виберацким месце.

(5) Шицки записніки о работи виберацкого одбору ше на виберацким месце виклада аж кед виберацки одбор утвердзи резултати гласаня, односно пополні записнік о работи за вибор членох остатнього національного совиту хтори ше вибера на виберацким месце.

#### **XIV. ДОРУЧОВАНЄ ВИБЕРАНКОВОГО МАТЕРИЯЛУ ПОСЛЕ ГЛАСАНЯ**

##### **Член 49.**

(1) Понеже утвердзи резултати гласаня на виберацким месце, виберацки одбор одредзує особи хтори, коло председателя виберацкого одбору, односно замініка председателя виберацкого одбору, буду одвичательни за придаванє виберанкового материялу Роботному целу, цо ше констатує у Записніку о работи виберацкого одбору.

(2) Виберацки одбор без одкладаня, а найпознейше у чаше 12 годзинох од години завераня виберацкого места, придава Роботному целу у будинку општини/городу, шлїдуючи виберанкови материял:

1) перши прикладніки записніку о работи виберацкого одбору на запровадзованю гласаня и утвердзованю резултатох гласаня на виберанкох за членох каждого національного совиту хтори виберани на виберацким месце,

2) виводи з виберацкого списку и окреми виводи з виберацкого списку по хторих ше гласало на виберацким месце на виберанкох за членох каждого национального совиту,

3) запечацовану коверту у хторей Контролни лісток,

4) запечацовани коверти до хторих положени непохасновани гласацки лістки за гласанє на виберанкох за членох каждого национального совиту хтори виберани на виберацким месце окреме,

5) запечацовани коверти до хторих положени неважаци гласацки лістки за гласанє на виберанкох за членох каждого национального совиту хтори виберани на виберацким месце окреме,

6) запечацовани коверти до хторих положени важаци гласацки лістки за гласанє на виберанкох за членох каждого национального совиту хтори виберани на виберацким месце окреме,

7) запечацовани коверти до хторих положени подписани потвердзєня о виберанковим праве за гласанє звонка виберацкого места за гласанє на виберанкох за членох каждого национального совиту окреме,

8) сигурносне завераче хторе хасноване за печачованє меха з виберанковим материялом при примопридаваню виберанкового материялу медзи Роботним целом и виберацким одбором пред гласаньом,

9) други виберанкови материял.

(3) При придаваню виберанкового материялу, виберацки одбор будзе строго водзиц рахунку же би ше не помишало виберанкови материял за запровадзованє виберанкох за членох националних совитох розличних националних меншинох.

(4) Материял цо остал (идентификаційни карточки, гласацку шкатулу, паравани за гласанє, УЛ лампи, прибор за писанє и др.) виберацки одбор придава општинскому/городскому органу управи.

(5) О примопридаваню зоз пасуса 2. того члена ше пише записнік на формуларе хтори предписує Републична виберанкова комисија. Єден прикладнік того записніку чува ше у општинским/городским органу управи найменей штири роки, док єден прикладнік Роботне цело обовязно придава Координаторови Републичней виберанковой комисиї.

(6) Понеже ше окончи примопридаванє материялу зоз пасуса 2. того члена, материял зоз пасуса 2. точ. 3) по 6) и точки 8) того члена, кладзе ше до меха за одкладанє виберанкового материялу, хтори ше у присустве членох Роботного цела и членох виберацкого одбору хтори придали материял запечацує зоз сигурносним заверачом, чийо ше серийне число уписує до записніку о примопридаваню зоз пасуса 5. того члена. Мех муши буц означенчи з етикету на хторей пише назва городу/општини и шорне число виберацкого места.

(7) Записніки о работи виберацкого одбору, виводи з виберацкого списку, окреми виводи з виберацкого списку и коверти з потвердзєнями о виберанковим праве за гласанє звонка виберацкого места ше не кладзе до меха з другим виберанковим материялом, але их Роботне цело пакує окреме од другого виберанкового материялу и так окреме придава Координаторови Републичней виберанковой комисиї.

#### **Член 50.**

При придаваню виберанкового материялу, председатель виберацкогo одбору, односно заменїк председателя виберацкогo одбору длужен Роботному целу и општинскому/городскому органу управи доручиц и по еден прикладнїк евиденциї о присутности членох и заменїкох членох виберацкогo одбору на виберацким масце.

### **XV. ЗАКОНЧУЮЦА ОДРЕДБА**

#### **Член 51.**

Тоти правила ступаю на моц з дньом обявйованя у „Службеним гласнїку Републики Сербии“.

02 Число: 013-87/18

У Београдзе, 21. августа 2018. року

### **РЕПУБЛИЧНА ВИБЕРАНКОВА КОМИСИЈА**

ПРЕДСИДАТЕЉ,

Владимир Димитриевич, с.р.